

不盡五穀粥飯等更用別飲食及諸華果實
共盛一器中用塗香灑之復用燒香薰先作
鉤召契三昧耶蓮華及金剛縛印次下水半
振鈴念加持飯真言想供養天龍八部及火
壇外諸天運心皆供養如是護摩供養已然
後奉送諸聖衆所集祕蜜殊勝福普霑一切
諸舍識

妙吉祥平等觀門大教王經略出護摩儀

金剛頂超勝三界經說文殊五字真言勝相

唐北天竺三藏沙門大廣智不空奉詔譯

爾時金剛手菩薩摩訶薩等一切菩薩皆於
毗盧遮那佛前各自說心真言印於是曼殊
室利菩薩摩訶薩從座而起白佛言世尊我
今為欲利益未來一切諸有情故速得成就
釋七
摩訶般若波羅蜜多若人纔誦一徧如誦八
萬四千十二圍陀藏經若誦兩徧文殊師利
普賢隨逐四衆圍繞加被是慈無畏護法善
神在其人前阿難白文殊師利言當說此真

言時有十萬億佛現如是諸佛一一毛孔出
十萬億菩薩一一菩薩毛孔各出十萬億龍
王一一龍王毛孔各出十萬億龍女一一龍
女毛孔復出十萬億青象一一青象毛孔各
出十萬億白象一一白象毛孔各出十萬億
香象一一香象毛孔復出十萬億山象一一
山象毛孔復現十萬億寶院一一寶院復現
十萬億八功德水池其池四寶合成一一寶
池皆出十萬億閻浮檀金光復於一一光中
皆現十萬億圓光一一圓光化出十萬天女

嚴持種種供養如是殍伽沙數四衆一時共
集大會同音說此真言現三摩地三昧我今
略說少耳知其功德無量即說五字真言曰
唵 日 日 日 日
阿囉跋左曩

第七

若善男子善女人有能持此真言纔誦一徧
即入如來一切法平等一切文字亦皆平等
速得成就摩訶般若為諸弟子受此心真言
時令結密印以二手金剛縛並建忍願屈上
節如劒形印上盛華散增供養然應告言此

法門一切如來祕密最勝慎勿輕爾爲愚人
說破汝三昧戒善諦思惟

阿者是無生義

羅者清淨無染離塵垢義

跋者亦無第一義諦諸法平等義

左者諸法無有諸行義

曩者諸法無有性相言說文字皆不可得
義以曩字無有性相故左字無有諸行以左
字無有諸行故跋字無第一義諦以跋字無
第一義諦故囉字無有塵垢以囉字無有塵垢

故阿字法本不生義善男子當觀是心本來
清淨無所染著離我所分別之相入此門
者名三摩地是真修習當知是人如來印可
殊勝功德不可思議若誦一徧能除行者一
切苦難若誦兩徧除滅億劫生死重罪若誦
三徧三昧現前若誦四徧總持不忘若誦五
徧速成無上菩提若能一心獨處閑靜梵書
五字輪壇依法念誦滿一月已曼殊菩薩即
現其身或於空中演說法要是時行者得宿
命智辯才無礙神足自在勝願成就福智具

足速能階證如來法身但心信受經十六生
 使成正覺若不辦建立壇場香華供養及畫
 本尊以用香泥塗舍利塔梵寫五字真言旋
 繞念誦五十萬徧又殊菩薩現其人前而為
 說法當得宿命辯才一切如來諸菩薩等及
 執金剛恒沙聖眾常加護念速滿諸願疾證
 菩提廣如金剛頂經說

金剛頂超勝三界經說文殊五字真言勝相

永樂北藏

文殊五字真言勝相

音釋

鍔亡敢切 闕梵語也此云 孽魚列切 盟鳥骨切
 鎗年舍切 瑤七何切 欽七遙切 鑠居縛切 槃古祿切
 切與切 璽古歷切 未山切 所晏切 壘力執切 掠桑感切
 同與切 璽古歷切 未山切 所晏切 壘力執切 掠桑感切
 指奴切 捻協切 搵烏固切 齒驅雨切 獻魚塞切

第一三二冊